



N 21/3171
02/05/2023

3171-21-2-202305021440



შპს „ნექსარას“

მის: ქ. თბილისი, ჯავახიშვილის ქ. №25

ელ. ფოსტა: trivendo@gmail.com

სსიპ გარემოს ეროვნულმა სააგენტომ განიხილა თქვენი 2023 წლის 29 მარტის N2677 სკოპინგის განცხადება, რომელიც ეხება საგარეჯოს მუნიციპალიტეტში, კაკლის ბაღის მორწყვის მიზნით სამელიორაციო სისტემისა და წყლის შესაკავებელი ნაგებობის მოწყობა-ექსპლუატაციას და გაცნობებთ შემდეგს:

- N3.2 და N8.1 ცხრილებში („საჭირო წყლის რაოდენობა თვეების მიხედვით მ³-ში“). დაზუსტებას საჭიროებს თვეების მიხედვით მითითებული წყლის რაოდენობები, საჭიროა კაკლის ბაღების მოსარწყავად არსებული და მოსაწყობი რეზერვუარებიდან, თუ იგულისხმება მდინარიდან ასაღები წყლის რაოდენობა. ასევე, გაურკვეველია რომელ თვეებში და რა რაოდენობით ხდება წყლის აღება ირიგაციული არხიდან;
- N8.2 ცხრილში მოცემულია „მდინარეში დარჩენილი წყლის რაოდენობა თვეების მიხედვით, მლნ მ³-ში, რომელთა გადაყვანით მ³/წმ-ში მიიღება 0,004 მ³/წმ-ის (4 ლიტრ/წმ) სიდიდის წყლის ხარჯი, რაც 100-ჯერ ნაკლებია მდინარეში დასატოვებელი ეკოლოგიური ხარჯის სიდიდეზე, რომელიც წარმოდგენილი ჰიდროლოგიური ანგარიშით, წყალაღების კვეთში ტოლი უნდა იყოს საშუალო მრავალწლიური ხარჯის 10%-ის - 0,41 მ³/წმ-ის. ასევე გასათვალისწინებელია ის გარემოება, რომ წყალაღების წერტილის ქვემოთ, მდინარის დინების მიმართულებით დაახლოებით 4 კმ-ში, შპს „საქართველოს მელიორაციას“ დაგეგმილი აქვს ქვემო სამგორის სარწყავი სისტემის მარჯვენა მაგისტრალური არხის გ-33 გამანაწილებლისთვის დამოუკიდებელი წყლის ასაღებად საჭირო სათავე ნაგებობის მოწყობა;

- სკოპინგის ანგარიშში არ არის მოცემული მდინარის მინიმალური ხარჯების დონეები, რაც საჭიროა სატუმბი სადგურების წყალშემწოვი მილების ჩაშვების ნიშნულის დასადგენად;
- სკოპინგის ანგარიშში მოიცავს ურთიერთშეუსაბამო ინფორმაციას გაზაფხულის წყალდიდობისა და ზაფხულის წყალმცირობის გათვალისწინებით, მდინარეში დატოვებული წყლის რაოდენობების შესახებ და საჭიროებს დაზუსტებას;
- სკოპინგის ანგარიშში წარმოდგენილი ჰიდროლოგიური დასაბუთება საჭიროებს კორექტირებას, ვინაიდან ტექნოგენურად დატვირთული მდ. იორიდან წყლის აღებისას, ჰიდროლოგიურ დასაბუთებას გადამწყვეტი მნიშვნელობა ენიჭება;

გთხოვთ, უზრუნველყოთ ყველა ზემოაღნიშნული საკითხის/შენიშვნის შესახებ ინფორმაციის/დოკუმენტაციის 1 თვის ვადაში წარმოდგენა. აღნიშნული ინფორმაციის/დოკუმენტაციის წარმოდგენამდე სააგენტო მოკლებულია შესაძლებლობას იმსჯელოს სკოპინგის დასკვნის გაცემის შესახებ.

თამარ ფიცხელაური

თ. ფიცხელაური

სააგენტოს უფროსი

სსიპ გარემოს ეროვნული სააგენტო

